



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՄՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»
ՀԻՄՆԱԴՐԱՄԻ ԵՎ «ՀԱՅԱՍՏԱՆԻ ՎՈՒԵՅՔՐՈՒՄ ԳԵՂԵՐԱՑԻԱ» ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅԱՆ ՄԻՋԵՎ

Կարևորելով Վոլեյբոլի շարունակական զարգացումը, պրակտիկ հետազոտությունների համատեղ իրականացումը և արդյունքների ներդրումը ի շահ հայկական սպորտի.

Ընդունելով Կողմերի պատրաստակամությունը՝ պրակտիկ համատեղ հետազոտությունների իրականացման, ուսանողների պրակտիկաների կազմակերպման, համատեղ գիտական միջոցառումների և սեմինարների կազմակերպման համատեքստում.

Հիմք ընդունելով սույն Հուշագիրը և փոխադարձ պայմանավորվածությունները.

Կողմերը համաձայնեցին հետևյալի շուրջ՝

1. Համագործակցության նպատակը

Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել Հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

2.1 Սույն Հուշագրով համագործակցության շրջանակներում «Հայաստանի վոլեյբոլի ֆեդերացիա» հասարակական կազմակերպությունը (այսուհետև՝ Ֆեդերացիա) «Հայաստանի ֆիզիկական կուլտուրայի և սպորտի պետական ինստիտուտ» հիմնադրամին (այսուհետև՝ Ինստիտուտ) ներկայացնում է վոլեյբոլի մարզիչ-մանկավարժների ուսումնառության և մարզաձևի շարունակական զարգացման հետ կապված խնդիրները, իսկ Ինստիտուտն իր պատրաստակամությունն է հայտնում ընդունել այդ խնդիրները և գիտական հենքի վրա ձևավորել մագիստրոսական թեզերի, ատենախոսությունների և այլ գիտագործնական աշխատանքների թեմաները՝ մասնագիտացված ամբիոնում:

2.2 Ինստիտուտը պատրաստակամ է պրակտիկ թեմաներ առաջարկել ուսանողներին՝ ամբիոններում և տեղերում հետազոտություններ իրականացնելու, իսկ Ֆեդերացիան

պատրաստակամ է գործուն և առարկայական աջակցություն ցուցաբերել հետազոտություն իրականացնող ուսանողներին տրամադրելու՝ Ֆեդերացիային պատկանող ենթակառուցվածքներում առկա վոլեյբոլի մարզասրահները, հնարավորություն տալով Ինստիտուտի դասախոսական անձնակազմին մասնակցել Ֆեդերացիայի, ինչպես նաև Վոլեյբոլի միջազգային ֆեդերացիայի կողմից անցկացվող սեմինարներին:

- 2.3 Ֆեդերացիան իր պատրաստակամությունն է հայտնում աջակցել Ինստիտուտում «Վոլեյբոլ» մասնագիտությամբ սովորող ուսանողների գործնական պարապմունքների կազմակերպման նպատակով վոլեյբոլի մարզասրահը մասնագիտական մարզագույքով ապահովելու գործում,
- 2.4 Սույն հուշագրով Կողմերը համագործակցում են նաև.
 - 2.4.1 Կողմերի ներկայացուցիչներից կազմված համատեղ խորհուրդների ձևավորման, թեզերի պաշտպանությունների կազմակերպման, հետազոտողների իրականացման և Ինստիտուտի շրջանավարտների աշխատանքի անցնելուն աջակցման հարցերի,
 - 2.4.2 Ներդրումային, նորարարական, դրամաշնորհային ծրագրերի համատեղ իրականացման,
 - 2.4.3 Գիտական համաժողովների, սեմինարների, խորհրդակցությունների կազմակերպման,
 - 2.4.4 Կողմերի գործունեությանն առնչվող համապատասխան նյութերի հրատարակման,
 - 2.4.5 Սույն Հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության՝ մարզաբազաների, տարածքների և գույքի օգտագործման,
 - 2.4.6 Երկկողմանի հետաքրքրություն ներկայացնող ուսումնակրթական բնույթի ծրագրերի, հետազոտությունների և փորձաքննությունների իրականացման,
 - 2.4.7 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու,
 - 2.4.8 Երկկողմանի հետաքրքրություն ներկայացնող մասնագիտական և կազմակերպական բնույթի այլ ուղղությունների շուրջ:

3. Համագործակցության սկզբունքները

Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության և համագործակցության սկզբունքներով:

4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր Կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները կատարվում են փոխադարձ համաձայնությամբ և համարվում են Հուշագրի անբաժանելի մասը:

- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր Կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս Կողմին:
- 4.5 Հուշագրի խզման դեպքում Կողմերը պետք է անհրաժեշտ քայլեր ձեռնարկեն արդեն իսկ սկսված միջոցառումներն արագ և կանոնավոր ավարտին հասցնելու համար:
- 4.6 Սույն Հուշագիրը կնքվել է Երևան քաղաքում, 2025 թ. փետրվարի -ին :
- 4.7 Սույն Հուշագիրը ուժի մեջ է մտնում ստորագրման պահից և գործում անժամկետ:

5" Կողմերի վավերապայմանները և ստորագրությունները

Ինստիտուտ

Ֆեդերացիա

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ

«Հայաստանի վոլեյբոլի ֆեդերացիա»
հասարակական կազմակերպություն

ք. Երևան, Ալեք Մանուկյան 11
ռեկտոր՝ Տիգրան Սիմոնյան

ք. Երևան, Հալաբյան 55/2
նախագահ՝ Հրաչյա Մուրադյան

